

# BAGHIK SANT PER

---

Ton : *Elez an Env.* N° 17.

Eun devez e baghik sant Per,  
 Baghik ker scanv ha ken dister,  
 An Ebrestel en em gave  
 Gant Jesus ho Mestr, ho Doue.

## DISKAN :

Daoust d'ar mor da veza diroll,  
 Goal-gasset gant an avell foll,  
 Ar vag-se na vo ket collet,  
 Tud goan a feiz, na grenit ket.

Hep dale, chetu an avel  
 O lakat ar mor da sevel :  
 An danjer a zeu braz meurbed,  
 Ha Jesus er vag so kousket.

Kousket eo Jesus en tourmant,  
 Jesus an Doue a goumand,  
 Ha d'ar gurun ha d'an avel  
 Hervez e volontez santed.

Diskibled kez, perak crena,  
Ha gan-hoc'h ar Mestr var bep tra.  
Jesus evit gwir so kousket,  
He galon so dihun bepred.

Peleac'h ema 'ta ho fizianç,  
E Jesus hag he oll buissanc ?  
Troït out-han lagad ho fe,  
Hag ho sicouro hep dale.

Dihun a reont hon Salver  
Evit m'ho zenche a zanjer,  
Ha gant ar spount e criont oll :  
*Mestr, sicour deomp; ez eomp da goll!*

Jesus, neuze a vouez uhel,  
A lar d'ar mor ha d'an avel :  
*Tavit, me hen gourc'hemen d'eoc'h;*  
*Tavit, na drouzit ket pelloc'h.*

Kerkent m'en deuz Jesus comzet,  
He c'hourc'hemen a zo sentet ;  
Kerkent an avel grenv a dao,  
Ar mor a zeu sioul ha brao.

Evit an oll pebez souez !  
Na piou, em 'int-hi eo hennes,  
Ma sent ker kaer ha prim out-han,  
Ar mor hag an avel goassan ?